

## **ԳԱՂՏՆԻՈՒԹՅԱՆ ՔԱՂԱՔԱԿԱՆՈՒԹՅՈՒՆ**

Սույն գաղտնիության քաղաքականությունը մանրամասնում է, թե ինչպես է «cyberschool.space» կայքը (այսուհետ՝ «Մենք» կամ «Կայք») հավաքում, օգտագործում, պահպանում և բացահայտում Ձեր տեղեկատվությունը: Մենք մեծապես կարևորում ենք Ձեր անձնական տվյալների պաշտպանությունը և պարտավորվում ենք պահպանել դրանց գաղտնիությունը: Օգտագործելով մեր Կայքը՝ Դուք համաձայնում եք սույն քաղաքականության դրույթներին:

Մեր տվյալների մշակման գործընթացները համապատասխանում են Տվյալների պաշտպանության ընդհանուր կանոնակարգի (GDPR) պահանջներին: Այս եվրոպական կանոնակարգը կարգավորում է անձնական տվյալների հավաքումը և մշակումը և ուժի մեջ է մտել 2018 թվականի դեկտեմբերի 25-ին:

## **ՁԵՐ ԻՐԱՎՈՒՆՔՆԵՐԸ**

Մենք հարգում ենք Ձեր անձնական տվյալների գաղտնիության իրավունքը և ապահովում ենք հետևյալ իրավունքների հասանելիությունը Ձեր տեղեկատվության պահպանության համար.

- Տեղեկատվության մատչելիություն. Դուք իրավունք ունեք տեղեկացված լինել Ձեր տվյալների մշակման մասին և պահանջել դրանց մատչելիություն:
- Տվյալների ճշգրտում. Դուք կարող եք պահանջել, որպեսզի Մենք ուղղենք կամ թարմացնենք Ձեր անձնական տվյալները, եթե դրանք սխալ կամ թերի են:
- Ջնջման իրավունք. Դուք իրավունք ունեք պահանջել Ձեր տվյալների ջնջումը մեր համակարգերից:
- Մշակման սահմանափակում. Դուք կարող եք խնդրել, որ Մենք ժամանակավորապես կամ մշտապես դադարեցնենք Ձեր տվյալների ամբողջական կամ մասնակի մշակումը:
- Առարկելու իրավունք. Դուք իրավունք ունեք առարկել Ձեր տվյալների օգտագործմանը ուղղակի մարքեթինգի նպատակներով:
- Տվյալների փոխանցելիություն. Դուք կարող եք ստանալ Ձեր տվյալների էլեկտրոնային պատճենը և փոխանցել դրանք այլ ծառայություններին:
- Ավտոմատացված որոշումներից զերծ մնալու իրավունք. Դուք իրավունք ունեք չենթարկվել այնպիսի որոշումների, որոնք հիմնված են բացառապես ավտոմատացված մշակման վրա (ներառյալ պրոֆիլավորումը), և որոնք կարող են էական իրավական կամ նմանատիպ ազդեցություն ունենալ Ձեր վրա:

Ձեր իրավունքներն իրացնելու համար խնդրում ենք կապ հաստատել մեզ հետ՝ նշելով, թե որ տվյալներին է վերաբերում Ձեր հարցումը և որ իրավունքն եք ցանկանում իրացնել:

## **ՄՇԱԿՄԱՆ ԵՆԹԱԿԱՍ ՏԵՂԵԿԱՏՎՈՒԹՅՈՒՆԸ**

Կայքը հավաքում է տվյալներ Ձեր անվան, ազգանվան, հեռախոսահամարի, էլեկտրոնային հասցեի, կայքի կրթական ծառայություններից օգտվելու ժամանակահատվածի, օգտագործած կրթական ռեսուրսների, դասընթացների և միջոցառումներին մասնակցության և ձեռքբերած արդյունքների վերաբերյալ:

Երրորդ կողմի վճարային համակարգերի (եթե կիրառելի է) միջոցով կատարված գործարքների դեպքում Ձեր բանկային կամ քարտային տվյալները մշակվում են անմիջապես այդ հարթակների կողմից և չեն հասանելի լինում Կայքին: Նման տվյալների գաղտնիությունը կարգավորվում է երրորդ կողմի գաղտնիության քաղաքականությամբ, և Մենք պատասխանատվություն չենք կրում դրանց պահպանման համար:

Մեր Կայքը նաև ավտոմատ կերպով հավաքում է տվյալներ Ձեր այցելությունների մասին՝ օգտագործելով քուքիներ (cookies) և նմանատիպ տեխնոլոգիաներ: Սա կարող է ներառել տվյալներ Ձեր սարքի, ինտերնետ կապի, IP հասցեի և, որոշ դեպքերում, Ձեր գտնվելու վայրի մասին: Որոշ տվյալներ կարող են անանուն մնալ:

Հավաքված տվյալների մի մասը կարող է անհատապես նույնականացվող լինել (օրինակ՝ Ձեր անունը), մինչդեռ մյուս մասը հավաքվում է ընդհանրացված ձևով՝ Կայքի որակը և ֆունկցիոնալությունը բարելավելու, ինչպես նաև այցելուներին ավելի լավ ծառայություններ մատուցելու նպատակով:

## **ՏԵՂԵԿԱՏՎՈՒԹՅԱՆ ՀԱՎԱՔՄԱՆ ԵՂԱՆԱԿՆԵՐԸ**

Մենք հավաքում ենք Ձեր տեղեկատվությունը կամ Ձեր կողմից ուղղակիորեն տրամադրված տվյալների միջոցով (օրինակ՝ գրանցման ձևաթղթեր) կամ ավտոմատացված տեխնոլոգիաների կիրառմամբ (օրինակ՝ Google Analytics):

## **ԻՆՉՊԵՍ ԵՆՔ ՕԳՏԱԳՈՐԾՈՒՄ ՁԵՐ ՏԵՂԵԿԱՏՎՈՒԹՅՈՒՆԸ**

Մենք օգտագործում ենք հավաքված տվյալները Կայքի ընդհանուր գործունեության համար, ինչպիսիք են Ձեզ բովանդակություն մատուցելը, Ձեր հարցումներին պատասխանելը, Ձեզ հետ կապ հաստատելը ծանուցումների կամ հաղորդագրությունների միջոցով, սերվերի խնդիրների լուծումը, Կայքի կառավարումը, այցելուների վիճակագրության վերլուծությունը, ժողովրդագրական տվյալների ստացումը, ինչպես նաև մեր պայմանագրային պարտավորությունների կատարումը: Կայքի կրթական ռեսուրսներից օգտվելու մասին տվյալները պահպանվում են կայքի ծառայությունները բարելավելու նպատակով: Դրանք մշակվում են ապանձնայնացված և կոդավորված՝ ապահովելով Ձեր անձնական տվյալների գաղտնիությունը:

Եթե դուք դադարեցնում եք կայքից օգտվելը, ապա մենք արխիվացնում ենք Ձեր տվյալները ապանձնավորված, իսկ անձնական տվյալները՝ չենք պահպանում:

## **ՈՒՐ ԵՆՔ ԲԱՑԱՐԱՅՏՈՒՄ ՁԵՐ ՏՎՅԱԼՆԵՐԸ**

Մենք կարող ենք բացահայտել հավաքված կամ Ձեր տրամադրած անձնական տվյալները մեր աշխատակիցներին, Կայքի ծառայություններ մատուցողներին և ՀՀ պետական կառույցներին՝ երեխաների իրավունքների պաշտպանությանն առնչվող դեպքերում:

Տվյալների բացահայտումը կարող է անհրաժեշտ լինել նաև դատական որոշման, օրենքի կամ իրավական գործընթացի պահանջին ի պատասխան, ներառյալ կառավարական կամ կարգավորող մարմինների հարցումները, կամ երբ դա անհրաժեշտ է Կայքի, մեր օգտատերերի և այցելուների իրավունքները, սեփականությունը կամ անվտանգությունը պաշտպանելու համար:

Մենք կարող ենք անսահմանափակ կերպով հրապարակել մեր այցելուների մասին ընդհանրացված տեղեկատվություն, ինչպես նաև տեղեկատվություն, որը չի նույնականացնում որևէ անհատի կամ սուբյեկտի:

Մենք չենք բացահայտի Ձեր անձնական տվյալները երրորդ կողմերին այլ կերպ, քան վերը նշված դեպքերում:

## **ՏՎՅԱԼՆԵՐԻ ԱՆՎՏԱՆԳՈՒԹՅՈՒՆ**

Մենք կարևորում ենք Ձեր տեղեկատվության գաղտնիությունն ու անվտանգությունը: Մենք պահպանում ենք Ձեր անձնական տվյալների գաղտնիությունը և դրանք չենք տրամադրում երրորդ կողմերին, բացառությամբ սույն Գաղտնիության քաղաքականությամբ նախատեսված դեպքերի և ՀՀ օրենսդրական կարգավորումների («Անձնական տվյալների պաշտպանության մասին», «Հայաստանի Հանրապետության ընտանեկան օրենսգրքում փոփոխություններ և լրացումներ կատարելու մասին», «Երեխայի իրավունքների և երեխայի պաշտպանության համակարգի մասին» Հայաստանի Հանրապետության օրենքների և այլ հարակից օրենքների նախագծեր): Մենք ձեռնարկում ենք բոլոր ողջամիտ միջոցները՝ Ձեզ նույնականացնող տեղեկատվությունը երրորդ կողմերի բացահայտումից կամ դրանց հասանելիությունից պաշտպանելու համար: Սակայն հարկ է նկատի ունենալ, որ մենք չենք կարող երաշխավորել նույնականացվող տեղեկատվության բացարձակ անվտանգությունը, և միշտ կա որոշակի ռիսկ, որ չարտոնված երրորդ կողմերը կարող են շրջանցել մեր անվտանգության համակարգերը կամ հետևել Ձեր տեղեկատվության փոխանցումներին ինտերնետում:

## **ԳԱՂՏՆԻՈՒԹՅԱՆ ՔԱՂԱՔԱԿԱՆՈՒԹՅԱՆ ՓՈՓՈԽՈՒԹՅՈՒՆՆԵՐ**

Մենք կարող ենք ժամանակ առ ժամանակ վերանայել մեր գաղտնիության քաղաքականությունը: Անձնական տվյալների մշակման մեր մոտեցումներում էական փոփոխությունների դեպքում նոր քաղաքականությունը կհրապարակվի սույն էջում:

Գաղտնիության քաղաքականության վերջին թարմացման ամսաթիվը նշված է սույն էջի վերնամասում: Խնդրում ենք պարբերաբար ստուգել այս էջը՝ փոփոխություններին տեղյակ լինելու համար:

Փոփոխությունները ուժի մեջ են մտնում հրապարակման պահից և պարտադիր են Կայքի բոլոր Օգտատերերի համար հրապարակման պահից: Յուրաքանչյուր անգամ Կայքից օգտվելիս Դուք համաձայնում եք քաղաքականության մեջ կատարված փոփոխություններին:

«Կիբեռդպրոց» կրթական հիմանդրամ

կայք: [cyberschool.space](https://cyberschool.space)